

# جریدہ علمیہ

مشت جلید اسلامیک جریده رسمیه سید

ربیع الاول ۱۳۳۸

عدد ۵۱

آیدہ بر نشر اول نور

بشقی منہ



بر آتی یا ککش او قوش اولد قبری جهته (سر خوشلق خالده نمازه تقرب اولنماسی) حقنده کی آیت کریمه شرف نازل اولدی . بو حادته اوزرینه ده عشرت ایدنلرک مقداری محدود بر درجه به تنزل ایتدی . بالاخره انصار دینلن مدینه لی اصحاب ایله مشهور عراق فاتحی سعد بن ابی وقاصک داخل اولدینی بر مجلسده ینه بو یوزدن بر منازعه و مضاربه ظهور ایتش و حتی سعدک بووقعهده باشی یارلمسی اوزرینه حضرت عمر ( یاربی ایچکی حقنده شافی بر بیان قطعی احسان ایت ) دیو نیازده بولندی . آنک اوزرینه ( ایچکی اعمال و افعال شیطاندن بر فعلدر . نائل فوز فلاح اولق ایچون آدن توقی واجتناب ایدیکنز ) مفادنده کی امر قطعی قرآنی نازل اولدی .

— ممنوعیتک تدریجی اوله رق وضع بیورلما سنک حکمتی نه در ؟

— قانون الهینک دائماً مصالح عبادک حسن تنظیمیه عسرت و مشکلاته معروض قالماسی اساسنه مستند بولندیجی معلومدر . اسلامیتک ظهوری زماننده ایسه خلقک ایچکی به میل و انهماکی زیاده اولمغله برابر تجارت صورتیله ده ایچکیدن بر چوق منافع تأمین اید یوردیلر . شو حاله نظراً دفعه منعی اسلاملر حقنده صعوبت و مشکلاتی بادی اوله جفندن ناشی بو بابد رفق و ملائمت طریق اختیار اولنه رق منع حقنده کی او امر معلومه الهیه تدریجی بر صورتده شرف صادر اولمشدر .

— مسلمانلرک عصرلرجه مدت مشروبات کتویه استعمالدن توقی ایتلری بدنی ، اخلاق ، اجتماعی نقطه نظر دن نه کی نتیجه لر حاصل ایتشد ؟

— ایچکینک بدن انسانی اوزرنده اجرا ایتمکده اولدینی تحریبات محتاج ایضاح اولیان . حقایققدندر . نه حاجت ! بو کون بو مصیته قارشی مصون اولان بعض بلاد اسلامیه اهاالیسیله بو بلایه مبتلا اولان یرلرا هالیسی بیننده بینه و اخلاق اعتباریه اولان فرق در حال نظره چارپار درجه ده در . عشرتک اخلاق اوزرنده کنیدینه مخصوص اولان تأثیری ده . بشقه در . سائر معاصی به قیاس اولنماز . مثلاً بر آدم فعل زانی بر کره ارتکاب ایدنجیه وجودینه در حال بر فتور طاری اولور . عینی زمانده او فعلی تکرار ایدر سه متعاقباً ملل . حاصل ایدوب نفرت ایتمکه باشلار . فقط ایچکی اویله دکلدر . دوام ایتدجه شاربنک نشه ورغبتی تزید و احتراصات نفسانیه سی تشدید ایدر . قوه عقلیه سی کیتدجه ضعفه اوغرامغه باشلار و بو صورتیه لذات بدنیه به استغراق ایدوب الهی و کندی نفسی اونوتور .

والك بيوك جرم وقباحی كوچك ، بلكه ده مباح كورمك كې بر سقامته طوتپلور . بو حالنده بر جوق فناقلرك تسلسل ایدجكي وبر طاقم حادثات الیهك ظهوریله برابر بر جوق عالمك نظام وانتظامی ده مختل اوله جنی معلومدر . ایسته شریعت اسلامیله ایچكی دهكی محاذیر عظیمیه بناء بوكا متجاسر اولانلرك حقنده مجازات اخرویهدن بشقه حد شرعی كې دنیوی بر مجازات دخی ترتیب ایتمش واسلامتك عصر سعادت ایله آنی تعقیب ایدن قرن اول ونائیده كوسترمش اولدینی آثار ترقیده ایچكی ممنوعیتك ده قسماً دخل وتأثیری اولمشدر .

• — منوعیته قارشى كوستربن رعایت نهدن خللدار اولمشدر ؟ بونك سېی ایران ویا آوروپا تأثیراتی میدر ، بوقه قدیم رومالیرده اولدینی كې مسلمانلر قدرت وثروت صاحبلى اولدقدنصكره اخلاقرینه خلل كلهرك عشرته می میل ایتمش ؟

— بونك ایچون بر جوق سبیلر واردر . بوسیلرك برنجیسی عصر سعادتله آنی تعقیب ایدن اصحاب وتابعین حضراتی زمانلرنده مسلمانلرده كی صلابت دینیك بعض اسباب وحادثات كونیلهك تأثیریه بیدرپی ضعفه اوغرامش اولسی ، ثانیاً فتوحات اسلامیلهك توسی مناسبته مشروبات كئولیهی استحلال ایدن عناصر غیر مسلمه ایله اسلاملك حال اختلاطده بولنسیدر . شرقه مخصوص واكثریته ایچكینك مدحنه متعلق اولان طرز ادبیات واشعاركده بونده بردخل وتأثیری اولمشدر . چرنكه فلسفه دینیه وعقلیه سنی بر میزان صحیح وسالم اوزرینه ابتنا ایدمیان بر طاقم كیمسه لك غایت لطیف ورنكین بر طاقم خیالات ایله تزیین ایتمش اولان مضامین ادبیلهك تأثیرندن محافظه نفس ایدبیلنسی قولای بر مسئله دكلدر . بعض اعظم واكابر صوفیهك بر ذوق ونشوء معنویهك تأثیر وعلمانیله لسان لاهوتیلرندن صدور ایتمش ومقادومعناسیله آنحق بومسلك هالینك واقف ومتخصصلرنجه معلوم بولنش اولان بعض تعبیراتده نشء وذوق كې بوجه شبه علاقسیله استعمال ایدیلن مسكراتك استعاره صورتیه ذكری بولنه كیدلمسی مقصودی آكلامیان بعض جهله ناس اوزرندده تأثیردن خالی قالماشدر . بوندن بشقه بوسوك عصرلرده مشروبات كئولیهی استحلال وبونك ایچون بر طاقم مؤسسه وتجارخانهلر كشاندده سربست اولان آوروپالیرله دول اسلامیله اختلاط وبر طاقم عهود ایلهده مقید بولندقلرندن میخانهلرك سد وبندی

وسر خوشلر حقنده شر عامین اولان جزانك تطيقتك ممكن اوله مامسی ده ایچکینك اسکیندن زیاده تعمم ایتمسه سییت ویرمشدیر .

— اسلامیت عشرته نیچون ام الحیث نامی ویرمشدیر ؟

— بوتعیر (ایچکی قنالقلرك آناسیدر) حدیث شریفدن مأخوذدر . ایچکینك ام الحیث تعیریه تسمیه سی ایسه بالادهده ایضاح اولدینی اوزره عقلی ازاله وبو صورتیه بر چوق قنالی وجوده کتیرمکده اولسندن ناشیدر . نظام حیاتك اك شرفی مداری اولان عقله خصومت ایدن بر قوت بالطبع خیث اولدینی کبی خباتك ده مولیدیر .

\* — ممنوعیت دینهك انفاذی ایچون نه کبی تدبیرله مراجعت اولنه چقدر ؟ بوخصوصده بالکنز ممالك عثمانیه ده می ، یوقسه بتون ممالك اسلامیه ده می ؟

بو باده ایکی صورت تدبیره مراجعت مجبوریتندیز . بری شمدی یه قدر بو باده حکومت ملکیه وضابطه جه وضع ایدلمش اولان بغض تقیدادنن استفاده ایتک ویکیدن بر طاقم قوانین مانعه وضع ایتک ، دیکری ایچکینك تولید ایتدیکی بدنی ، اخلاقی واجتماعی محاذیری متضمن ادله مقنعه نی محتوی رساله لرك نشر و تعمیمی صورتیه خلقك قناعتنی تأمینه چالیشمقدن عبارتدرکه نجه اك مؤثری بودر . وتأثری ده بتون ممالك اسلامیه شامل اولور .

— عجبا دولت عثمانیهك انحطاطنه بالکنز دینی خصوصلرده کی مبالانسزلقی سبب اولمشدر ؟ یوقسه بونك باشقه سبیلری ده وارمیدر ؟

— امویه و عباسیلردن صوکره اوچنچی بر خاندان خلافت اولق اوزره تأسس ایدن وعالم اسلامیه آناریله ثابت اولدینی اوزره اسلافی بولان او ایکی خانداندن دها زیاده خدمات بر کزیده ایفاسنه موفق اولمش اولان آل عثمان خاندانی حد ذاتنده بیوک صلابت دینه یه ممالك اولقله برابر کرک سلچوقیلرك اثر غیرتی و کرک بو سلالهك دینه ویردیکی اهمیتك نتیجه سی اوله رق معارف دینه سی اووقته کوره غایت اساسی بر صورتده تأسس ایتمش بولان آناتولی قطعه سنده بنای سلطنتلرینی قورمش و خدمات دینه سی و بالخاصه کافه مسائلده احکام شرع عالی یه توسل ورعایتی آفاق اسلامیه ده بر حسن تأثیر وجوده کتیردیکی جهته دائره فتوحاتلری کون بکون توسع ایدرهك از زمان ظرفنده عموم عربستان ایله حرمین محترمی و کردستانی حوزه ممالک لرینه ادخاله و خلافت اسلامیه کبی بوظیفه مهمه و مقدسه یی ده بحراره موفق اولمش وبو صورتله او خاندان مخصوص برمسلك سیاست تعقیب ایتمش اولدقلری

ایچون زیرلواهی محمدی ده اجتماع ایتمش اولان وعناصر مختلفه دن تشکلی ایدن قوای اسلامیہ  
 بلا تردد عثمانی لوای احتشامی آلتنده طوبیانی جانہ منت عد ایتمش و دینک تعالیسی  
 اوغورنده و بو خاندانک خدمتده فدای جان ایتمش اقدم وظائف عد ایشلردر . وقتاکه  
 فن اوروپاده بر علم مخصوص حالتی کسب ایتمش اولمقله برابر دول مجاوره غریبه نک ترقیات  
 صناعیه و اقتصادی لری دخی غالبیتلری تقویه ایده جک بر درجهیه واصل اولدی ؛ در حال  
 اوروپانک صناعی و اقتصادی تعقیب ایتمش اولدقلری طریق ترقیه سلوک ایتسی بر وجیه  
 شرعیه ایکن موقع جغرافیسنک کنديسنه تأمین ایتمش اولدینی وضعیه و رقابت دولیه اعتماده  
 بونقاط مهمه دن تغافل ایتدیکی ایچون دولتی قدرت و عظمت سابقه سی بالطبع کوندن کونه  
 تناقص ایتمکه باشلادی چونکه قرآن عظیم الشانک هر آیتدن استدلال اولنه جنی اوزره  
 جناب حق مسلمانلره دائماً عقل ایله متصف اولمق اوزره خطاب بیورمش و خصومتی  
 ملحوظ اولان قوتلرک اسباب تسلط و غالبیتلری صورت دایمده بالتدقیق آکا کوره وسائط  
 مدافعه و مقابلهیه مسارعت و اقطار عالمده موجود بالمله آثار و عرفانی تدقیق و تتبع ایدوب  
 سعی و عمل طریق تعقیب ایله علوم و صنایع موجوده عالمی اوکرتمک ، تجارت و زراعت  
 مسلکلینه سلوک ایلمک خصوصاتی مواضع عدیده ده کرا را و تأکید امر بیورمشلردر .  
 ایشه بز دینک امر ایتمش اولدینی بو و بوکا مماثل بر چوق فضائل سیاسی و اخلاقیه  
 و اجتماعیه دن غافل قالدینمزدن بالاستفاده فلا کتمزی سیاست مخصوصه لرینک ثمره سی عد  
 ایدن بعض دولتلر وسائل مختلفه ایجاد ایله دولتی امور داخله سنه مداخله و عناصر غیر  
 مسلمه بی دولت علیه دن تبریده موفق اوله رق وضعیه مزئی بو حاله کتیردیلر و هر نه زمان  
 دولته اصلاحات حقیقه اجراسنه تشبث اولندیه خفی و جلی یر طاقم موانعک احداثی  
 صورتیه کسب صلاح و ترقیمزه مانع اولدیلر . مع مافیه توالی ایدن بونجه مصائب دن عالم  
 اسلامیته مهم بر اثر تیقظک وجوده کلیدی و کره ارض اوزرنده کی اسلاملرک مربوطیت  
 معنویه و جاذبه دینیہ نتیجه سی اوله رق مقام خلافت اطرافنده صدای تعظیم و احتراملری  
 کیندکجه یوکسلمکده اولدینی ده جای انکار دکدر .